

Դեկտեմբեր ամսվա տոնացույց

1. Դեկտեմբերի 17-ին Ձմեռ Պապի այցելություն և Ամանորյա շնորհավորանքներ Դոբրի գյուղում:
2. Դեկտեմբերի 21-ին Բարեգործական երեկո «Մեր եկեղեցին մեր երեխաների» համար խորագրով: Սկիզբը ժամը 18:00, հրավիրում ենք բոլորին:
3. Դեկտեմբերի 21-ին Ձմեռ պապին շնորհավորում է բոլորին Նոր Տարվա կապակցությամբ Մոսկվայում: Սկիզբը 18:30, Կուրիայի դահլիճ, հրավիրում ենք ձեր երեխաների հետ:
4. Դեկտեմբերի 24-ին Ճրագալույցի փառավոր Սուրբ Ծննդյան Պատարագ: Ժամը 15:00
5. Դեկտեմբերի 25 Շնորհավոր Սուրբ Ծնունդ Հիսուս Քրիստոսի: Ծննդյան փառավոր Սուրբ Պատարագ: Սկիզբը 15:30: Տեղի կունենա Ջրօրհներին Հիսուսի քավորի վիճակահանություն:
6. Դեկտեմբերի 31 նախատոնական սուրբ պատարագ: Սկիզբը՝ ժամը 13:00
7. Հունվարի 1-ին ս.Պատարագ, Տոն տնօրինության Հիսուսի: Սկիզբը՝ ժամը 13:00
8. Հունվարի 6-ին Ջրօրհներ, Ձայնավոր ս.Պատարագ՝ ժամը 13:00:
9. Հունվարի 7-ին մեռելոց Պատարագ և պաշտոն հանգստի՝ ժամը 13:00:
10. Ծննդյան և Ամանորյա տոների շրջանը տնօրինեքի ժամանակաշրջան է: Ցանկացողները դիմեն վարդապետին:

Խմբագրումը և ձևավորումը՝ Վարդուհի Ասատրյանի

Մեր հասցեն՝ ր. Москва, ул. Малая Грузинская д. 19/2


Հեռախոսներ՝

+7 (965) 258 68 41(Վ. Ասատրյան)

+ 7(926) 904 91 49 (Հայր Պետրոս Ծայրագույն Վարդապետ Պետրոսյան)

E-mail - am.armcatholik@mail.ru, anusharts@mail.ru, ppetros@libero.it

<http://armcatholik.ru>



ՄՈՍԿՎԱՅԻ ՀԱՅ ԿԱԹՈՂԻԿԵ
ԺՈՂՈՎՐԴԱՊԵՏՈՒԹՅՈՒՆ

Սրբերի հիշատակություն

Ամսաթիվ 16.12.2014թ.

Ս. Թեոպոմպոս եպիսկոպոսի, Ս. Թեովնաս վկայի և չորս զինվորների՝ Ս. Բասուսի, Ս. Եվսեբիոսի, Ս. Եվտիքեսի և Ս. Բասիլիդեսի հիշատակության օր

Ս. Թեոպոմպոս եպիսկոպոսը և Ս. Թեովնաս վկան նահատակվել են 303 թվականին Նիկոմիդիայում Դիոկղետիանոսի հալածանքների ժամանակ: Լինելով քրիստոնյա՝ Ս. Թեոպոմպոս եպիսկոպոսն ընդդիմացել է թագավորին և չի երկրպագել կուռքերին, որի համար վառված հնոցի մեջ է նետվել: Սակայն սուրբը հրաշքով փրկվել է, և թագավորն ավելի է զայրացել և նրան բանտ նետել: Այդ ժամանակ թագավորը կանչել է Թեովնաս մոզին և խնդրել, որ կախարդություններով հաղթի Ս. Թեոպոմպոսին: Սակայն Թեովնասը, պարտվելով վերջինից, հավատում է Հիսուս Քրիստոսին, որի պատճառով էլ կենդանի թաղվում է խոր փոսում, իսկ Ս. Թեոպոմպոսը գլխատվում է: Ս. Բասուսը, Ս. Եվսեբիոսը, Ս. Եվտիքեսը և Ս. Բասիլիդեսը նահատակվել են նույն ժամանակ Նիկոմիդիայում, Դիոկղետիանոսի հալածանքների ժամանակ: Նրանք այն չորս զինվորներն էին, ովքեր պահպանում էին Ս. Թեոպոմպոսին: Տեսնելով նրա համբերությունն ու անկոտրում հավատը՝ դարձի են գալիս և քրիստոնյա դառնում: Իմանալով այդ մասին՝ Դիոկղետիանոս կայսրը կանչում է նրանց, զրկում պատիվներից, հարստություններից և բանտարկում: Անասելի տանջանքներ կրելուց հետո Քրիստոսի երանելի վկաները նահատակվում են:

<http://www.araratian-tem.am/>

ԿԻՐԱԿՆՕՐՅԱ ԸՆԹԵՐՑՈՒՄՆԵՐ

Եբրայեցիներ 1, 1-14

1 Աստուած բազմապիսի ձեւերով եւ այլազան օրինակներով նախապէս խօսեց մեր հայրերի հետ մարգարէների միջոցով.²այս վերջին օրերին մեզ հետ խօսեց իր Որդու միջոցով, որին ժառանգ նշանակեց ամէն ինչի, եւ որի միջոցով ստեղծեց տիեզերքը: ³Նա, որ լոյսն է նրա փառքի եւ բուն պատկերը նրա էութեան, որ իր խօսքի զօրութեամբ հաստատ է պահում տիեզերքը: Նա մեր մեղքերի մաքրումը կատարելուց յետոյ, նստեց Աստծու մեծութեան աջ կողմում՝ բարձունքներում: ⁴Նա այնչափ գերազանց եղաւ հրեշտակներից, որ նրանցից շատ աւելի անուն ժառանգեց: ⁵Արդարեւ, հրեշտակներից որի⁶ն երբեւէ ասաց. ⁶Եւ դարձեալ. ⁷Եւ դարձեալ, երբ անդրանկին աշխարհ է մտցնում, ասում է. ⁸Իսկ հրեշտակների մասին էլ ասում է. ⁹Իսկ Որդու մասին ասում է. ¹⁰Նաեւ՝ ¹¹Հրեշտակներից որի¹²ն երբեւէ ասաց. ¹²Չէ՞ որ բոլորն էլ սպասարկող հոգիներ են, որոնք ուղարկւում են ի սպասաւորութիւն նրանց, որ ժառանգելու են փրկութիւնը:

17 Յիսուս ասաց նաեւ իր աշակերտներին.
«Անկարելի է, որ գայթակղութիւն չգայ, բայց վա՛յ նրան, որի ձեռքով կը գայ: ²Նրա համար լաւ կը լինէր, եթէ իր պարանոցից երկանաքար վէմ կախուէր, եւ նա ծովը գցուէր, քան թէ այս փոքրիկներից մէկին գայթակղեցնէր: ³Զգո՛յժ եղէք ձեր անձերի համար»: ⁴«Եթէ քո եղբայրը մեղանչի, սաստի՛ր նրան. եւ եթէ զղջայ, ների՛ր նրան: ⁵Եւ եթէ եօթն անգամ մեղանչի քո դէմ եւ եօթն անգամ դառնայ քեզ եւ ասի՝ զղջում եմ, ների՛ր նրան»: ⁶Եւ առաքեալները Տիրոջն ասացին. «Աւելացրո՛ւ մեր հաւատը»: ⁷Եւ Տէրն ասաց. «Եթէ մանանեխի հատիկի չափ հաւատ ունենաք եւ այս թթենուն ասէ՛ք՝ «Արմատախի՛լ եղիր եւ տնկուի՛ր ծովի մէջ», նա՛ իսկ կը հնազանդուի ձեզ»: ⁸«Իսկ ձեզնից ո՞վ, որ հողագործ կամ հովիւ ծառայ ունի, երբ սա ագարակից տուն մտնի, նրան կ'ասի իսկոյն՝ «Անցի՛ր սեղան նստիր». ⁹այլ նրան չի՞ ասի՝ «Պատրաստի՛ր, ինչ ընթրելու եմ, եւ գօտի կապած՝ ծառայի՛ր ինձ, մինչեւ որ ուտեմ եւ խմեմ, եւ ապա կ'ուտես եւ կը խմես դու»: ¹⁰Միթէ տէրը շնորհապա՞րտ կը լինի այդ ծառային, որ իր բոլոր հրամանները կատարեց:



ՇՆՈՐՀԱՎՈՐԱԳԻՐ

Մոսկվայի հայ կաթողիկե
եկեղեցու Խորհուրդը,

ժողովրդապետությունը՝ ի դեմս ժողովրդապետ
ծայրագույն վարդապետ Պետրոս Պետրոսյանի
շնորհավորում է խորհրդի անդամ, համայնքի
պատվավոր ներկայացուցիչ, նվիրյալ հավատացյալ
Արամ Վաղինակի Ղազարյանին ծննդյան տարեդարձի
կապակցությամբ:

Մեր պատվարժան հայրենակցին մաղթում ենք
իմաստության և խորաթափանցության
բազմապատկում, առողջություն,
նորանոր բարձունքների նվաճում:
Վարդապետական օրհնությունը Ձեզ և
Ձեր ընտանիքին:

Ծ.Վրդ.Պետրոս Պետրոսյան
14.12.14թ.

ԿԻՐԱԿՆՕՐՅԱ ՔԱՐՈՋԸ

*Եթե եղբայրդ մեղանչի, սաստի՛ր նրան և եթե զոջա, ների՛ր
նրան: Եվ եթե յոթն անգամ մեղանչի քո դեմ և յոթն անգամ դառնա
քեզ և ասի՝ զոջում եմ, ների՛ր նրան (Ղուկ. 17:4):*

Անհնար է, որ գայթակղություն չգա, անհնար է, որ բարու և
չարի պայքար չլինի, անհնար է, որ սատանան ձեզ չփորձի, բայց
դուք հաստատուն եղեք:

Յուրաքանչյուր ոք, կարող է իր անձի դատավորը լինել: Ով
կամենում է վնասել ուրիշներին, նախ իրեն է վնասում. որովհետև
անհնար է առանց սեփական վնասի ուրիշներին վնաս հասցնել,
քանզի չարը նախ այն խորհողի համար է չար:

Երբ տեսնում ենք մեր եղբոր կամ ընկերոջ զոջումը կամ
սխալը ընդունելու պատրաստակամությունը, պետք է ներենք նրան,
որպեսզի նրա մեջ վերահաստատվի Քրիստոսի սերն ու
խաղաղությունը:

Մարդու աստվածամանության կարևոր
արտահայտություններից է մարդասիրությունն ու
ներողամտությունը: Մարդասեր լինել նշանակում է նմանվել
Աստծուն:

Մարդու կյանքը թեկուզ բազում տարիներ տևի, միևնույն է,
կարճ է: Թվում է, թե երկրի վրա մարդու կյանքը երեք օր է, մի օր՝
ծննդյան, մի օր՝ մահվան, և մի օր էլ՝ նրա կյանքի ամբողջ ժամանա-
կը, լինի երկար, թե կարճ: Բայց ավելի թվում է երեք վայրկյան. մար-
դը ծնվում է մի վայրկյանում, ապրում մի վայրկյան, մեռնում՝ մի
վայրկյանում, որովհետև ամեն վայրկյան էլ հնարավոր է, որ մեռնի:

Սրանից հետևում է, որ աշխարհում մարդկանց կրած վայելքն ու տանջանքը վայրկենական են: Ուստի մեծ անմտություն է վայրկենական վայելքի կամ տանջանքի համար Աստծու հանդեպ մեղանշել, որովհետև երկուսն էլ մի վայրկյան են տևում և իսկույն անցնում: Ուստի պետք է ջանալ բարի ու օգտակար բաների համար գործածել այն ժամանակը, որն ունենք:

Առաքյալներն ասացին Տիրոջը. Ավելացրո՛ւ մեր հավատը:

Մեր Եկեղեցու մեծագույն հայրերից՝ Հովհաննես Երզնկացին ասում է. «Հավատը լուսեղեն ամպերի անմարմին պարանն է Աստծու կողմից երկնքից իջած մարդկանց համար: Հավատը մարդու սրտում արմատացած տունն է, որի արմատը՝ Հայրն է... ոստը՝ Որդին... ծաղիկը՝ Սբ. Հոգին, իսկ քաղցրահամ պտուղը՝ բոլոր բարի գործերն են, որովհետև պտուղը արմատից, ոստից ու ծաղիկներից է առաջ գալիս, ինչպես բարի գործերը՝ հավատից»:

Ծառայի պարտականությունը:

Այն է Աստծու հանդեպ կատարյալ ծառայությունը, որն առաջ է գալիս միայն Աստծու հանդեպ սիրուց, իսկ ճշմարտապես սիրողը հանձն է առնում կորցնել ունեցվածք, պատիվ, սիրելիներին և նույնիսկ իրեն՝ չկորցնելու համար Աստծու հանդեպ սերը:

Ռուսաստանի հայ կաթողիկե եկեղեցու ընդհանուր տեղապահ, Մոսկվայի հայ կաթողիկե համայնքի ժողովրդապետ Օ.Վրդ. Հայր Պետրոս Պետրոսյան Մոսկվա, 14 դեկտեմբերի 2014թ.

2. Երկրորդ մասում ձեր ուշադրությանը կներկայացնենք Հայոց լեզվի դպրոցի սաների և մեր համայնքի այլ երեխաների պատրաստած անակնկալ ելույթները:
3. Այնուհետև Ձմեռ Պապն ու Ձյունանուշը կշնորհավորեն գալիք Նոր Տարին:

Ողջ միջոցառման ընթացքում կներկայացվի Ցուցահանդես, որտեղ դուք կարող եք մոտենալ ծանոթանալ ցուցադրություններին և գնումներ կատարել, ինչպես նաև Ձեր բարեգործական ներդրումը կատարել մեր եկեղեցու ֆոնդին: Հրավիրում ենք բոլոր նրանց, ովքեր անտարբեր չեն հայ եկեղեցու, հայկական դպրոցի, հայերեն լեզվի և մշակույթի հանդեպ: Միջոցառումը տեղի կունենա Եկեղեցու Կուրիայի դահլիճում, սկիզբը՝ ժամը 18:00:



«ՄԵՐ ԵԿԵՂԵՑԻՆ ՄԵՐ ԵՐԵՒԱՆԵՐԻ ՀԱՄԱՐ»

Բարեգործական երեկո 21 դեկտեմբերի 2014թ.



Մոսկվայի հայ կաթողիկե եկեղեցու
ամենամյա բարեգործական միջոցառումը
2014թ.ին կրում է **«Մեր եկեղեցին մեր**

երեխաների համար» խորագիրը:

Անվանումը պատահական չէ ընտրված:

Ավանդաբար եկած կենսակերպ է, հայն
ապրում է իր երեխայի համար և իր երեխայով: Մայր եկեղեցին
հոգ է տանում իր բոլոր զավակների համար՝ սնելով հոգևոր և
ազգային մանանայով: Միջոցառմանը ելույթ կունենան
մանուկներն ու երիտասարդները՝ ցույց տալու համար, թե
ինչքան կարևոր է իրենց համար մայր եկեղեցու միավորող
հարկի տակ լինելը:

Միջոցառումը բաղկացած է 3 մասից.

1. Առաջին մասում կներկայացվեն զեկույցներ մեր
ժողովրդապետության ծրագրերի, Բարեգործության
գաղափարախոսության մասին: Զեկույցողներ՝ Եկեղեցու
խորհրդի անդամներ Պ.Ակոպով, Ա.Ղազարյան,
Գ.Մովսեսյան, Է.Էթմեքյան:

Հայոց Մեծ Ցեղասպանության հարյուրամյակին րնդատաջ...

Վրեժ՝ ՍԱՐՈՒՆԱՆՅԱՆ

ՄՇԵՑԻ ՇՈՂՈՆ (Իրական փաստերի վրա հիմնված)

Մշո դաշտում Վարդավառ էր: Մեղրագետը, զմրուխտյա սարերում
բարերին համբույր բաշխելով, մե՛կ թռչկոտելով, մե՛կ շորորալով,
մտնում էր Վարդենիս գյուղը: Արևի ոսկեշղարշ շողերը շաղվել էին
Մեղրագետի զուլալ կոհակներին: Սիրահար տղաները, մտքում
հազար մուրագ, երգելով ջուր էին ցողում նազող աղջիկներին՝ սեր ու
ժպիտն էլ հետը, իսկ մտքում՝ նաև տա՛ք համբույր:

Վարդն ի բացվե առավոտյան շաղերով,

Իմ յար բախչեն վարդ կքաղի մաղերով,

Վարդն ի բացվե Վարդևորան կիրակին,

Քո սերն ընկե մեջ իմ սրտի պուրակին:

Մեղրագետի ջրով ցողված՝ սիրահար աղջիկները պատասխանում են.

Այ տղա՛, սիրո՛ւն տղա,

Քեզ հազա՛ր բարով տեսա,

Շեն կենա էս Վարդևոր,

Սրտիս մուրագին հասա:

Մեղրագետը հիշողության կծիկն էր քանդել: Նրա արևոտ
կոհակներում Վիշապաբաղ Վահագնի ու սիրո դիցուհի Աստղիկի
աչքերն էին ժպտում: Հին աստվածներն էին իջել Մշո դաշտ՝ ինչպես
հազար ու հազար տարի առաջ:

-Աղջիկնե՛ր, Մեղրագետի ջուրը կարմրավ,- ճչաց Շողերն, ու աչքերը
բարացան. գետը դիակներ էր բերում:

Թուրքերից, քրդերից ու Դադստանի չեչեններից կազմված
հավաքական խուժանը լցվել էր Վարդենիս: Գյուղը մեծ էր, այստեղ
էին դպրոց գալիս նաև հարևան տասը բնակավայրերի երեխաները:
-Առողջ տղաներին տարեք ինիչերի, մնացածներին լցրեք գետը, ջուրը
կմաքի հետքերը, իսկ մեծերին քշեք հարևան Ավզուտ գյուղը՝
Մալխասի Մարդոյի մեծ գոմերում վառելու,- գոռում էր արևախում
թուրք հրամանատարը: Քրդերն արդեն սկսել էին երանելի թալանը:
Փողոցներում հազարավոր կով, գոմեշ, այծ ու ոչխար իրար խառնած,
Ալլահին փառք տալով՝ խուժանը գյուղի ունեցվածքն էր բաժանում:
Մի քանի թուրք տաղասացներ Աբրահամի ձեռքերը ոլորեցին, իր
տասնոց զենքով սպանեցին, վիզը յաթաղանով կտրեցին, հետո

պարանը մեջքին գցելով՝ կապեցին ձիուց ու տարան դեպի վառվող մարագը: Կնոջ՝ Ալթունի քնքուշ սիրտը նույն պահին պայթեց, բերանից հոսող արյան մի քանի կաթիլ ընկավ մարդասպանի պիղծ ձեռքին: Շողերն ու երեքամյա Յովհաննես եղբայրը վազեցին աչքերը բաց մնացած մոր մոտ: Բոլորին տարան Ավզուտ:

Մարդոյի գոմերի կողքերը տանիքից իջեցրած խոտի դեզերը փռեցին, նավթ լցրին ու կրակ տվին: Կրակի լեզվակները և ծուխը լցվում էին ներս: Լացուկոծ, անօգնական ճիչեր, գոռոց, անեծք ու հայիոյանք խառնվել էին իրար, ոտքերի տակ երեխաներ էին տրորվում, մարդիկ խուճապահար պատեպատ էին զարկվում, դուրս պրծնելու հնար փնտրում: Կրակը մոտենում էր. շատերն արդեն ծխախեղդ էին: Զարյուր տարեկան կինը, ում Փոլո Արշակի զոքանչ էին ասում, ծխի միջից գոռաց. «Ժողովուրդ, երեխեքին զոռով գետնին պառկեցրեք քիթուբերանին, մերերով պառկեք երեխեքի վրեն, որ ծխից չխեղդվին, Աստված մեծ է...»: Զետո մարեն երեքամյա Յովհաննեսին պառկեցրեց գետնին, իր գոգնոցով դեմքը փակեց ու, դողացող Շողերին հրելով, պառկեցրեց եղբոր վրա:

-Լաո՛, լալով բան դուրս չի գա, Էսպես անենք, որ ամեն օջախից գոնե մի տղա երեխա փրկվի, որ էդ տան ծուխ չմարի,- թանձր ծխի միջից գոռում էր մարեն:- Ժողովուրդ, ձեր հույս մի կտրեք, Աստված դռները որ փակում է, մեկը միշտ բաց է մնում:

Շողերը ողջ մարմնով ընկել էր եղբոր վրա: Յովհաննեսը գոռում էր, աղաչում, որ քույրը թողնի, բայց մարեի խոսքը սթափեցնում էր նրան: Օդի պակասությունից Յովհաննեսը ուշաթափվեց: Գոմի գերաններն արդեն վառվել էին, տանիքը փլվեց, մեծ երդիկ բացվեց: Բոցն ու ծուխը փլվածքից դուրս եկան, օդ ներս եկավ, շնչելու հնար եղավ: Շողերն ու իր հորեղբոր աղջիկը՝ Արեգը, ուշաթափված Յովհաննեսին, ոտք ու ձեռքից բռնած, ծուխ ու կրակի միջից բացված անցքով նետեցին տանիք: Վառված ու կիսաածխացած թեք ընկած այրող գերանների վրայով Շողերն ու Արեգը, սողալով ու ճանկռելով, փլվածքը բարձրացան: Ներքևում թուրք զինվորները շուրջապար էին բռնել, թրերն իրար զարկելով, արյունով արբած, պարում էին ու երգում. «Յուրի յանդըմ, յուրի...»: Արյան խրախճանքից պարող ու

երգող մարդասպանների ուղեղներն արդեն մթազնել էին, Էքստազի մեջ էին և չնկատեցին, թե ինչպես Շողերը, ուշազնաց եղբորը շալակն առած, փախավ մոտակա շամբուտը: Թարմ օդից, հողի խոնավությունից և Շողերի համբույրներից Յովհաննեսը ուշքի եկավ: Շողերն աղաչում էր եղբորը, որ լաց չլինի: Մի քանի ժամ անց փրկարար մուրժ ծանրացավ շամբուտին: Շողերը, եղբորը շալակն առած, սարսափահար փախչում էր: Մուրժ էր, չգիտեր ուր է վազում. միայն թե էդ դժոխքից հեռու գնար: Մթի մեջ ձայներ լսեց: Մի՞թե նորից ասկյար պիտի տեսնի: Սարսուռը պատեց իրեն, ափով պինդ փակեց եղբոր բերանը: Ականջը դիմացից եկող ձայնին էր: Շողերը հայերեն բառեր լսեց, քարացած արյունը սկսեց շարժվել երակներում, ճչաց ու, Յովհաննեսին գրկած, վազեց ձայնի ուղղությամբ: Դիմացից եկողները Անդրանիկ Չորավարի զինվորներն էին, կենդանի մնացածներին էին որոնում: Մի քանի ժամ Շողերը աչքերին չէր հավատում:

Օր չկար, որ թուրքի ու քրդի ջոկատ չկտրեր իրենց ճամփան: Առջևից Չորավարն էր գնում: Գաղթականների խմբի հետ Շողերն ու Յովհաննեսը հասան Պարսկաստան՝ Խոյ, հետո՝ Նախիջևան, Ղարաբաղ, Կապան, Գորիս, Սիսիան, Սևան:

Սովն ու համաճարակը կյանքեր էին հնձում: Գորիսի Աղուդի և Վաղուդի գյուղերի մոտ գաղթականները լցվեցին օրեր առաջ հնձած արտը՝ գետնին մնացած հասկերն ու ցորենի հատիկները հավաքելու: Ամեն մեկը մի քանի կիլոգրամ հավաքել էր: Տասը երեխա, ոգևորված իրենց հավաքած բերքով, շտապեցին ձորի ջրաղաց՝ ցորենը աղալու: Ժամեր անց դեռ չկային: Ծնողներն անհանգստացան, մի քանիսը գնացին ջրաղացի ուղղությամբ: Արյունը սառեց նրանց երակներում: Տեղի թուրքերը երեխաներին լցրել էին ջրաղացի մեծ բուխարիկն ու վառել: Ջրաղացի կանգնած քարին հասկերով ու հատիկներով լի նրանց տոպրակներն էին շարված: Լուրն անմիջապես հասցրին Անդրանիկին: Չորավարը մռայլվեց, գլխարկը հանեց, չոքեց գետնին ու երդվեց. «Էդ անմեղ երեխեքի արյունն անվրեժ չեմ թողնի»: